

中建年底前坐四望五



話禮拜五見五皮，雙方正(418)果然係上個禮拜五就見五皮，向大家交代得一清二楚。芝芝係禮拜四仲懷疑緊會唔會日日升八毫子，諗住佢最多咪見到4皮半已經好好啦，點知條錢真係勁料，鐵價不二！去到呢啲位，點搞呢，梗係袋咗先啦！仲想點呀！一個禮拜升咗成倍，冇錯8皮係目標價，但唔係咁快可以去到，消化下，大家收番啲銀 Happy 一輪先再嚟玩過！

時富插低為震倉

阿 Ben 隻愛股時富(1049)湧咗上 0.90 之後，臨尾市最後 15 分鐘玩大插插，由 0.87 元插落 0.82 元，擺明係震倉格。但芝芝對阿 Ben 嘅興趣已經有以前咁大，呢隻野上到呢個位，就算阿 Ben 以前有講過話貴，芝芝都唔會認為佢平，

最多咪跟三幾球玩吓算，冇滿手「CASH」呢隻歌仔唱！

反而芝芝鍾意咗墨鏡，佢隻愛股中建(138)話明會係年底前見 5 皮，佢家係坐 4 望 5 格。中建呢排好積極，除咗係葵涌一帶猛咁搵超過 2 萬方呎嘅地方外，嚟仔亦派咗幾個猛料嘅人嚟香港坐鎮，當然全部嘢都係為咗 HKNet，話明今個月底就會爆勁料，睇個款分分鐘唔使等 12 月底，個價已經可以殺上 5 皮！

阿 Ben 另一隻愛股美亞(391)慢火煎魚，尾市掃清 3 皮沽家，呢隻嘢貨少到想搵多啲都難，但係一定要有耐性。一個月，芝芝已經講過，當時佢仲係 2 皮左右，雖然升咗唔係好多，但勝在長升長有。

華基素(155)呢排走晒樣，自從宣布收多咗內地嘅網絡之後，就由高位插落嚟，近期傳佢會批股，甚至供股，總之

美亞娛樂股價走勢



表現落後大市，大家小心啲！

聯網信貸要睇實

記唔記得芝芝前兩個禮拜提過隻 EBIZ.hk.com(384)上個禮拜五狂升 54%，賣殼消息傳到開卷！揸唔到就睇實大嘅隻聯網信貸(0185)！

芝芝